

夢

林

玄

解

夢林玄解卷之十五

夢占

棟宇部

殿宮

臺閣

宦署

第宅

倉庫

〇〇〇殿宮

殿陞宮闕 大吉

占曰

凡此兆主恩榮之事。惟帝王之夢殿陞。當以他物
論。何也。身居九重。非臣民比也。若夫后妃王子。官
人內相。則又以夢中所見者推之矣。○卿相官吏
夢之。主欽命召賜陞加。文人武士。夢之。主顯爵厚
祿進取。平民老幼。夢之。主將來榮華富貴。婦人女
子。夢之。主丈夫子姁高明。親族孫支茂盛。疾病患
難。夢之。主禍去福臨。壽永僧道
尼姑。夢之。主天神佛力扶持。

待制王素當夢至玉京黃闕。有紺服翠冠者曰。吾
東門侍郎公。則西門侍郎。昔已奏贖汗責于世。及

晚歲思玉京之夢作詩曰碧虛中藏白玉京夢
飛入黃金城何時再步丹霄外時齒青童已掃塵

登臨大殿螭頭大吉

占 夢之主高爵厚祿坐立拜跪皆為美兆有
所得所失又宜以其物詳之有吉非凶

蔡茂初在廣漢夢生大殿極上三德禾茂取
之得其中德輒復失之以問主簿郭賀賀難席慶
曰大殿者宮府之形象也極而有禾人臣之上祿
也取中德是中台之位也失字禾字為秩雖曰失
之乃所以得祿秩也亥職有闕君其補之旬
月而茂徵代戴涉為司徒焉乃辟賀為掾

殿前朝拜奏對 貞吉

占 此為臣之禮儀夢之者將來之實驗宜詳殿廷是
何名何地朝奏是何人何職吉凶可推靈機難執

崔宗之幼夢朝天立金殿下旦以問其師師曰此
子他日必擢高第後為侍御史及朝對宛如幼時
夢中所見云

太極殿

兩儀之初

齊世祖初在襄陽夢着素履行太極殿階陛之上
庾溫曰展者通應木也素字四十二點年過此卽

帝位

凡夢殿廷但見華麗不見殿名者
有吉無凶若見殿名宜細詳之

仁壽殿昆明殿未齋殿

昆明池

顧鼎臣夢入朝賜坐爲未齋殿學士覺而占之因
號未齋及拜相考諸秘書有名未齋殿者○夢仁
壽殿者主一人得兩人之壽○凡
夢昆明謹身等殿皆大吉之徵

湛露殿

凶

右補闕傅游藝職加同平章事夢登湛露
殿以語所親頃有告其謀反下獄自殺

白虎殿

占 夢之不祥。倘遇國喪。當以夢中他事推詳。

玉華殿

莆田方朝散病劇。夢至玉華殿。帝召見於白玉樓。試文一首。帝命拜為玉華侍郎。曰。有過謫墮。不久當召。覺而病蘇。

營造殿廷大吉

占 天子夢之主中興大治。為臣夢之主建立功勳。平民夢之天下太平之兆。應選者夢之必高捷。應作工部官。工匠夢之。主有貴人招之。大作得利。

正殿傾凶

革除年方。孝孺夢早朝。正殿傾倒。驚覺。次日果驗。

殿移動

夫差驗之矣。○世人夢之。亦非吉兆。

水晶宮 吉

趙孟頫未遇時。嘗夢入禁宮。四顧皆海子。屋上不
用瓦。覆以水晶。身坐殿中。月光如晝。後入相。名重
天下。自稱水晶宮道人。

右諸宮殿別名。皆昔人夢中見之。或當時所未有。
而後果驗者。或古之名。當以字推者。以此爲例。不
能盡述。

禁宮內殿永巷長門

凡夢出入居處其中者。文人舉子。主科甲高登功
占
各達達。內官宮人。侯伯夢此。皆直叶。病者夢之。是
日
地府之象。吉凶未可知。必以耳目所
及推焉。○凡夢傾塌閉塞者。俱不吉。

金闕兩觀午門左右掖門東西安長門後宰門

占 凡夢觀遊出入其間者。舉士前程貴顯。商賈滿客。
曰 有事人皇都。病患夢此者無妨。○夢娶閉者不吉。
遥望皇都宮殿 吉

占 諸事皆吉。在京官宦。豫豫夢之。主差遠方。在外郡
者夢之。或至留都。或近京邑。或京信至。老病夢之
曰 而宮殿之名。非人間
所有者。則仙居近耳。

宮牆 貞吉 否凶

占 夢人宮牆者。平人遇貴。文人遊泮。女人入選之兆。
必以夢中所見聞推詳。有凶有吉。禍福自明矣。
嘗有貧士在京邸。夢入宮牆。越旦求貸于冷謙。冷
謙。引其士扣門。門開。入庫盜金出。後露。捕
隱入瓶而逃。

宮中光燭天 大吉

占 夢此主聖君賢相威嚴勤
曰 廟。亂世夢之。天下將治矣。

御座有禽蟲

占 惟夢飛龍鳳凰靈龜三足能燕庭者為吉兆。夢馬走于御前者高爵重位。拜將封侯大吉。若夢鰐魚鯨牛馬犬羊。

皆主國亂民亡。

太醫令朱耽嘗直禁省夜夢犬羊各一在御座。變乎既而天子蒙塵侯景登正殿焉。

王殿 上人吉

占 凡夢入王殿中或吉或凶。當以國號推占其殿廷高廣儀象都麗是為佳祥。若低陋暗黑則地府之象也。夢秦晉楚齊者主婚姻嘉事。夢燕趙晉梁者主宴飲肴饌。夢吳越韓魏者主名譽是非。但知王號而不聞國名者主科第進取。又當以物色言語細推之。

葉祖洽赴省試夢惠應王指殿下竹一束示之前此條對惟以賦及祖洽入試始用策蓋竹一束策

字也。其年。葉
遂得大魁。

禁中教弩場 吉

占 文學之士。夢主聰明頓長。得人薦拔。武藝之輩。夢
主演習異術。得名授爵。商賈庶民。夢主交易得宜。
日 受皇澤惠。病患衰老。夢主良藥
去病。天時快爽。諸事皆主獲吉。

○○○臺閣

登臺遠眺 大吉

占 高居萬仞之上。明觀千里之遙。開曠遠于
日 胸中。會風雲于日下。夢此主慶喜之兆。
阮宣年四十。未有室。性嗜飲。醉卧酒肆几間。夢人
帝都。立于層臺。一冕服者立于臺側。玉墩上。相拱
而覺。以告肆主。解曰。臺者高處。有吉事至。
時王敦會友。飲錢為配偶。斯兆驗之矣。

九層臺

靈臺吉

占 臺省職高之象。夢登上者吉。夢下之者凶。仕宦之客宜靖共爾位以保其身。

瑤臺

占 靈臺。文王之臺名也。夢此者得遇仁君之兆。又主得良友相助之益。

白臺凶

占 西王母宴會周王于瑤臺。瑤臺者王母之所居。有夢之者。遇齡人瑞之徵。

烏臺

北魏樂平王丕夢登白臺之上。四望無所見。日者董道秀筮之以為大吉。王默而有喜色。後事發。王遂憂死。道秀棄市。高允著筮論。以為當時道秀若推六爻以對。當曰。易稱亢龍有悔。窮高曰亢。高而無民也。如是則上寧下保。福祿方至。豈有禍哉。今舍本而從末。業之至。不亦宜乎。

占 夢登鳥臺之上。主職居御史。夢立鳥臺之下。當得御史相親。

登臺遇龍蛇 貞吉

董道諱父宗。本仕漢。為隨州刺史。宋主徽時往依焉。道諱馮籍父。夢登高臺。遇黑蛇長百丈。有餘。俄上有紫雲如蓋。夢登高臺。遇黑蛇長百丈。有餘。俄化龍飛騰東北去。雷電隨之。是何祥也。宋主皆不對。他日論兵。道諱理屈。拂衣起。宋主乃辭。宗本去。及即位。道諱被召。伏地請死。宋主諭之曰。卿尚記曩日紫雲黑蛇之事乎。道諱再拜呼萬歲。

臺榭樓閣

絳宮重樓十二級。幽關挾之高巍。巖幽關者。心胞絡也。十二重樓者。胃管咽喉之間也。心為國主。百體從令。凡夢樓榭。主胸中精氣。氣旺精足。則夢樓榭高閣。琉璃燦爛。情舒志暢。則夢大殿。晚軒。雲樓。納陛。皓月光如永晝。卿雲清曠。來董風。若夫夢中樓臺傾陷。毀壞蔽塞者。其病患不一。又非夢游地。

府比也

萬歲樓吉

占 貴者見之為事幾賤者見之為生意少者見之為貴兆老者見之為壽徵

李錡初與韓皐不協及鎮浙右夢萬歲樓上掛冰因自解曰冰者寒也樓高處也豈韓皐來代我乎未幾皐果自鄂州移治浙

迷樓凶

占 隋煬帝離宮滿天下建重樓九曲稱曰迷樓嘗有夢之者為奸邪所陷迷者迷而不悟也樓者樓而不解也隋者隋而墜墜也離宮者別離其居室也此大凶兆

岳陽樓

敖德明夢坐江樓遙望江潮湧起引手登舟至一城墻下步升高臺金甲人曰此岳陽樓也予萬

十。前後八十人。時鄰里患疫。德明疑兆不祥。問醫士郭咸寧。咸寧曰。爾將來作富翁矣。既而商人戈某聞之。招為伴侶。三十年積粟十餘萬。

登樓賜席

柳遐幼而爽邁。動合規矩。其世父慶遠特異之。謂曰。昔事伯父大尉公。嘗謂我云。昨夜夢汝登一樓。樓甚峻麗。吾以坐席與汝。汝後名官必達。恨吾不及見耳。我向聊復畫寢。亦夢昔時峻樓坐席。與爾爾之官位當復及我。特宜勉勵以應嘉祥。後遷官至開府儀同三司。霍州刺史。

亭軒

夢亭主安寧停住。○夢軒主開暢軒昂。○夢亭主高華。○夢軒主繁華。風和景明。主富貴永康之象。○夢梁柱欹斜。瓦石毀陋。為不祥兆。○夢有對景扁牌。所係非輕。宜細察而占之。宋吳近夢至一亭。扁曰侍康。未幾生女。年十四時。高宗為康王。遷入宮。乃徵侍康之兆。後進位皇后。

書棟雕梁朱欄玉陛 吉

占

易曰棟隆之吉。不撓乎下也。凡夢寢字。或身居屋內。而但觀戶外之烟霞。不知棟柱為何物。或身游宇外。而詳察毫末之細微。兼玩簷櫺屏几。若山簾藻梲。書棟雕梁。採甘朱欄。升階拜陛。乃皇宮之營繕。真夢寐之美。徵爵尊祿盛。壽永體寧。因其象而推之。方悉至夢棟折梁頽。欄損陛陷。皆失所覆見。憑依震壓。作墜之機。

金柱擎天 大吉

沈瑀在竟陵王家。素與范雲善。齊末就雲宿。夢坐屋梁柱上。仰見天中字曰范氏宅。後雲經沈攸之之變。屢演于殆。幸而獲免。至是瑀為梁高祖說之。高祖曰雲得不死。此夢可驗。

倚欄杆

貞吉 否凶

蕭皇后夢金柱擎天。諸子欲上不。能。后後至僕從皆陞。久之入宮。

占

夢此主憂虞疑慮。別離困厄之象。雖非大凶。亦不為祥。女子夢之。或以風光花月占之。而吉者。宋丁氏夫人夢倚欄詞曰。漏靜更闌。雲光雲水。殘周折迴旋。十二灣。軟斜依倚。新愁散。舊愁愈。初聲形懶。夢裏相思會。見難。覺來時。淚沾髻鬟斑。

蓮花柱

北齊楊休之夢見一柱如蓮花形。休之登柱。碌以手提柱曰。柱轉三匝。吾至三公。柱遂轉三匝。後果驗矣。

登階陞吉

素僧奉使入金。舟中夢朝行在。帝命錫陞塔納陞。後果入相。

〇〇〇宦署

太學吉

志入大學而為賢良方正之舉。聘為學士。而相封公之由。奈何有夢居國監而漆應國者。或曰。監字與監字同形而殊音也。雖然。人獄弗死。其福何如。凡此夢者。生也。生也。休祥莫大焉。紹興初。有夢經德齋生為省元者。時太學諸齋。無經德之名。至二十七年。祭酒周綰請增三齋。曰。經德。經德。立禮。至乾道間。何濬從經德齋冠南宮。此夢兆于三十年之前云。

庠序學塾

占 夢居庠序。主斯文之得與。夢任學官。主育賢之太。德凡夢居處遊行。及執經受業其中者。吉。如既處其地。而夢出此者。有凶無吉。或未處其地。而夢入此者。有吉無凶。夏楚索檄。皆為吉兆。夢景淳。夢授教職入衙。朱門高爽。北向。諸同寅皆錦衣。孔雀香帶。寤語其妻。妻曰。今科必中。當入翰林。果為會元。

紫府玉堂吉

占 文士夢身居紫府主登相位夢身居玉
日 堂主入翰林平人不應子弟當為妄占

憲府官廨

占 凡夢居處出入觀見此地者宜以語言之意事物
日 之象喜怒哀樂之分即其身而細推之吉者多凶
少者

孟蜀進士蘇協宿聖壽寺夢入官解屏上大書
字廳後復見秘器甚高大既寤心惡之占夢周
昭曰百徵也蓋愁者不樂也不樂即不落之意
器為棺而高大子孫當有至大官者是年協果
第及歸宋其子易簡以狀元
及第後參大政符所夢云
何繼太平與國中任秘書丞度支制官王化基
著作郎開封推官繼一日在省夢入官府如中
制勅院官吏憧憧出入皆若有所除授其中喜
沮者相半皆形于色繼見眾人紛紛亦前詢問
一房見朱衣吏携案而坐簿書堆積如堂候官
狀繼因前揖之問曰眾人皆除改某與數否未

若有所聞視徐曰亦有但侯王化基革制嗣因
而夢覺遂言于化基未幾化基果超擢知制誥又
數月續授虞部員外郎出
知刑州官詰果化基之詞

軍營吉

占 文人夢此得武備武士夢此逢演習家族不睦者
夢此有爭訟而無災爭鬭詞訟者夢此得便利而
曰 禍解病中夢此乃藥方主心腎却病
道路夢此乃次日所見聞者驗之

牌坊牌樓轅門塞門鉗門院門

占 平民下人夢見主鄰里親族高拔恩榮之象或身
犯官司詞訟者夢之翰墨之家文章之輩驗于其
曰 身不驗于其身必驗于其子孫喪年
病體夢此者又為天宮冥府之占
魏仍將赴選祈夢夢見侍郎李彭年使人喚仍於
鉗門中側耳聽之明日解者云門中側耳是聞宅
已而果
得聞喜

黃公度初發鄉舉。入試南宮。既出院。夢題院門曰。依舊家山萬里。重新場屋三年。是年以誤用韻。落
罷。次科赴省。試乃及第。

〇〇〇第宅

起建大厦 大吉

夫人以天地為棟宇。屋舍為禪衣。或以天地為體。而屋舍為臟腑。夜夢堂高屋廣。主去病改過。夢遷舍徙居。主業更易。不論貧賤富貴。凡夢建造大厦者。主功成名就。興隆昌泰也。〇畫棟朱門。光燦爛庭除。花木映芳菲。夢中見此。思榮第。覺後徵祥。百事宜。〇凡夢平日所居。謂之安宅。自高貴以至

占曰

下賤人。其理同也。若夢帝居民舍。又當另以名論。
章安道夢家造大屋。如王宮。廣高華麗。寤笑曰。吾家何得建此高厦。後則天后詔訪之。召見便殿。賜錢五百萬貫。授爵使為魏王府長史。命建第于洛陽。

高堂大匾 吉

占 凡夢此以匾上取書何字占之其貪居陋室者夢此必得高爵厚祿或賤于子孫

楊祿女幼夢堂有大匾寫一奇字驚寤言于父至年二十一時嘉熙戊戌有趙時奇登第方二中以名應夢兆遂許之

堂內日月光 大吉

占 夢身坐立高堂必得恩榮之驗况日月之光直入戶內其吉倍之雲掩陽光則非吉兆

北魏孝文高后幼年夢在堂內立而日光自胸中照之灼灼而熱后東西避之光猶斜照不已如是數夕怪之以白其父屢以問閭宗宗曰此奇徵也昔有夢月入懷猶生天子况日照之徵此女將被帝命誕育人君之象也後入掖庭生宣武追謚文昭

大厦被狂風搖動

占 案家夢此大凶。若非疾病。必有仇讐。貧窮者夢之。驗在他家。病中夢之。病劇。遊行道路夢之。恐有風波險阻。不然。則發在家中。

堂傾陷 大凶

占 凡夢此。主病患危迫。富貴者夢主家敗。身災。女夢主夫主難。僕夢主家主危。

外人正坐堂中

占 夢人坐于其所處。有如其堂中主者。他日彼將處此。非吉兆也。宜豫防之。
王恭舉兵赴京師。上表以討王倫。司馬尚之兄。為辭夜夢劉牢之登坐其堂上。旦謂牢之曰。事。即。以。卿。為。北。府。因。遣。牢。之。率。帳。下。督。顏。延。之。先。據。竹。里。元。顯。使。人。說。牢。之。牢。之。斬。顏。延。之。攻。恭。恭。敗。朝。廷。即。以。恭。位。號。處。牢。之。果。如。恭。所。夢。云。

書室

夢入學第主博聞廣見。○夢脩書第主學業有成。
夢會師友講論出入于書房中主得進取。○夢學
堂高大堆積古書文翰主博學身榮子貴。○夢書
屋高廣前後東西相聯諸友論文講義主名譽高
揚德業大就若閑塞暗昧破損圯
斜危坐不安出入不順主有悔吝。

幽居別館 貞吉 否凶

占 夢懼笑于幽居日下哀聲振地夢涕泣于別館目
前樂意憑天隱避丘陵別有天從心避亂快達仙
島虛無地滿世藏身龍樓鳳閣天山似吉反為凶
占 光虎亢動巢地府占凶或變吉徵但占有已無已
更詳欺人為入明知夢想變

禍為福妖惑人時福至反凶
郭瑀與敦堽索蝦起兵運粟以應王穆後穆聽讒
將害索瑀瑀諫不從出城大哭舉手謝城曰吾不
復見汝矣遂與疾而歸旦夕祈死夜夢乘龍至屋
而止宿而數日龍飛在天今止于屋屋之為字尸
下至也龍飛至尸吾其死乎古之君子不卒
于內寢於是還酒泉南山赤崖閣飲氣而死

鄭顥登進士第。授右拾遺內供奉。尚宣宗女萬壽公主拜駙馬都尉。歷刑部吏部侍郎。當大中時。里第。昏然晝寢。夢與十數人納涼于別館。館字蕭灑。相與聯句。既寤。不全記。諸聯唯省十字云。石門霧露白。玉殿薜苔青。乃書之于楹。私怪語不祥。不敢言于人。不數日。宣宗不豫。廢朝會。及宮車上仙。方悟其事。追惟顧遇。續石門之句。為十韻云。問歲流虹節。歸軒出紫肩。奔波陶畏景。蕭灑夢殊庭。境象非曾到。崇巖昔未經。日車烏欲翼。風動鶴飄翎。異苑人爭集。涼臺筆不停。石門霧露白。玉殿薜苔青。若匪災先兆。何當思入冥。御爐虛仗馬。華蓋負云亭。白石成千古。金縢閱九齡。小臣哀絕筆。湖上泣青萍。未幾。顥亦卒。

廊廡軒庫

占
夢家中起建脩葺。主與隆發達之象。○夢閉居獨立。安坐緩步。主身康壽永之占。○夢人丁眾多。行坐兩旁。主富貴。○夢外人擾攘。歡呼戲耍。主好事至。○夢眾人哭笑歌舞于屋下。而身在堂房。願視

主凶事不寧。○夢身出戶外而諸人觀望于此。主大事不祥。○夢廢毀殘壞者大凶。

廂廊左右相對 凶

占 夢左廂高右廂低男強女弱。○夢右廂新左廂毀主男喪亡。○夢閉塞不通主作事不利。

高軒大庫 吉

占 凡夢此者諸事皆吉而文墨之士夢主恩榮高貴舒暢軒昂。

何賈夢建一堂樹一大庫于堂東時生子致雍後為節度判此殿王楚以致雍為僕射。

閨閫繁華 大吉

占 富貴者夢之孫枝茂盛貧賤者夢之日後大發。婦人女子夢之主身心康吉衰老者夢之體健長日 夢室內空 虛反此。

貴人入閣

范祖禹之夢。夢一金甲大將。步入香閣曰。我故漢將軍鄧禹。遂生祖禹。為宋名臣。

陽光滿室 吉

哲法師母曹氏。嘗夢日光滿室。因有娠。是生師。則天臨朝。屢徵不起。開元間。示化于聚福寺。

龍堂過路

貞吉 否凶

占 家門前後。以此為僕婢出入之所。猶人身之脉絡。呼吸。皆自由。經曰。呼吸廬外。此之謂也。夢此廣潤。日 通暢。淨光明。主大吉。夢此暗毀閉。主病。夢外人喧鬧。神鬼出入。必大凶。

門牕戶牖櫺闥

夢大開明照。主吉祥。毀壞脂閉。主災禍。凡影花光。喜事至。輕風灑雪。主得財物。夢門戶中有人有物。宜以字樣詳之。吉凶可見。夢窓牖中。見人見物。宜以時事推之。休咎而占。

芝產門櫺 吉

王待制。諱大父。爲石峽書院山長。一夕夢五色芝
產門楣。翌日主簿議者。以爲文章之兆。公幼秀爽
敏慧。國初以聘起累官翰林待制。
有文名。奉使諭雲南。死節。謚忠文。

閭閻鄰里

占

此夢主歲時之擾靜。居止之安危。或于其中遇某
人。作某事。又宜隨人隨事。以爲推。或于夢中見某
地名。問某地名。人言某地名。各以其
地名推之。或直叶。或借境。吉凶無定。

王德亨。階州人。其鄰家有販賣水銀者。德亨夢鄰
屈頹壻。驚坐。其屋脊上有日光。從雲影中出。覺以
問無明禪師。禪師曰。昨夜水客爲西戎所殺。此夢
驗矣。君高坐日光下。必得大貴。踰年赴京考選。授
廉州巡檢。
時洪武初。

四顧無人舍凶

占

夢此者。主疾病死亡。文人夢之。主科名。
獨占。平人恐懼。警省。亦能轉移禍福也。

居易安李崇之妻善書能文嘗夢立于陽外四顧無人謂而歎曰世亂將作如之何果驗

高墻堅壁 貞吉

占 夢入高墻將有囹圄耻辱夢棲堅壁須防賊寇妖惟亂世夢之大吉夢墻壁塌頽平安者破敗

日 苦者 甦脫

墻後開小門

戚里韋堅常作是夢其妻與鄰友相淡而堅不知也一夕堅夢倪卧小門未幾飲鴆暴卒

屋壞 凶

趙王倫將廢賈后張華方晝寢夢見屋壞覺而惡之是夜難作華遂被害

店門高聳品物充盈 大吉

此夢主年豐家富世治物阜壽永嗣賢大吉兆也君相夢之民安樂四民得之財利昌文學得之譽

日名揚。衰病得之身康。健。遠行得之寓邸良。

會飲肆中吉

徐陽侯問師李曰。我夜夢四友會燕于肆中。大酌。其兆何如。李曰。汝嘗入肆會飲否。陽侯曰。弟子好潔。豈有此事。李曰。汝當獲財。曰。何也。李曰。不畏四知。而樹酌之。非財而何。徐曰。某平生不喜飲。酒且夢酒。驗疾。先生謂吉者。何。李曰。驗在商。果然。

堂下開張店舍 否凶

占店舍本在街衢。而忽夢形堂下。急趨避利。胸有貪私。

貴人坐店中

文人武士夢之得財。農工商賈夢之遇貴。輒涕泣。離夢之獲吉。病恙病瘵夢之為鬼神。婦女獨夫夢之生賢嗣。族家店主夢之逢貴客。

店面低小

占 夢此小事吉。又審
日 所設何物推占之。

旅邸 身寓邸舍夢之另占。

占 文墨之士。夢離家而羈旅舍。主長舉以見大貴。
日 之姿。夢即次于店舖。中主分別與離鄉井。

廣庭大吉

裴度未遇時。夢坐高堂。四顧亭廣百步。戶外
場如曠野。芳草芊綿。後入相。賜建綠葉堂。

場中井吉

占 久居異鄉。夢之歸故里。險難災危夢。
日 之禍患消。疾病煩慮夢之百憂散。

場上花木茂盛

占 凡夢場野曠大。主心意寬暢。便宜行事之象。○夢場中樹木森森。花枝的的。草萊菲菲。春和景明。主文思高達。○夢此堆積汗穢。草木枯朽。高下不平。風景凄慘。主貧乏荒歉。

場聯厨竈 吉

占 諸事有恒。平安無利。占之主豐足。不歉之象。更得永保無虞之慶。

場上揚旌旗

貞吉 否凶

占 學者夢之得第登科。鄉人夢之迎神賽會。商賈夢之盜賊蜂起。病者夢之不祥之兆。

竈下揚旗

占 此夢須防火燭之災。若值世亂。夢此主兵戈在目前。雖危無咎。夢幢幡主佛力救護。

脩造大厨竈 大吉

占 貴者祿壽增益。富者子弟榮顯。求名得名成。求利得利取。求與巨室交者。遇寵貴人之夢。

天井

占 夢生立庭中主嚙天之否泰見三光者吉見烟者凶○夢卧于簷外主德行之損益仰望安閑者伏俯悲咲凶○夢水大刑誅上家業之飄殘○夢草滿窻前主文章之上達

竈在庭場無益 凶

占 暴露之象夢此主家破人亡世亂者位不當也身有病恙者夢此無妨婚姻夢此勿娶

置井竈於廳堂之中 貞吉

占 家破分離之際夢此反為吉祥而事在人為安居樂業之時夢此必有變異而行善可保

竈

占 竈下清泉湧夢主獲利也竈下燈火燃曰夢主揚名也竈中火鳴聲夢主口舌也

一室二竈

占 此夢諸事不成之兆
日 人有夢此果作二竈

竈中穿井 井中作竈同占 凶

占 學業難成謀為不遂
日 病者身亡子孫憂累

竈下水池環轉

占 夢主吉轉為凶凶反為吉之兆安居逢禍
日 患逃遁被人知災患能離脫殃消疾病除

池中竈

占 流離顛沛之際夢此諸事得濟病者夢之凶
日 安居樂業之時夢此產敗身危懷孕夢之吉

井中火起 大吉

占 火在水上未濟君子以慎辨物
日 居方又曰君子之光其暉吉也

池中井

汪熙寧之妻胡貞良婦居矢志不二嘗夢大池數百步中有一井池水走于水上汲于井井水清甘時洪武二十一年詔徵識字良家婦有司以氏應詔入宮爲中書令五載賜祿回籍令尹趙某詩曰宮娥取作中書令聖主稱爲女丈夫

窺井笑凶

唐昭娶姑少女張氏留之衛南莊恒以事入洛累月不得歸夜夢妻隔花泣俄而窺井笑及寤心惡之明日就日者卜之曰隔花泣者顏隨風謝也窺井笑者喜向泉路也居數日果有凶信

入井有人背負而出

扶人出井負日出井

夢此兆吉主得人護助○夢墜落井中或坐井觀天主水火之災○夢醉入井主訟事○夢伏藏井內主牢獄○夢在井中跳出主遠行大吉
玄宗夢入井有一兵士着緋襪背負而出明日使於兵號中尋訪無此人又於苑中搜訪見一掌關

著緋襖，便引見。上問汝昨夜作何夢，對曰：夢從井中背負日出，登天上，觀其形狀，與夢相似。乃問汝欲官乎？答曰：臣不解作官。臣家貧，遂勅賜錢五百千。後有祿山亂，千儀再造唐室，果驗。玄宗入井之夢云。

井中生樹石花草 吉

占

夢井中有巧石、主奇巧之事。名花芳草吉。樹木皆非井中所植，當以字推。惟竹無妨。何祇夢井中生來，以問占夢。趙直曰：桑井井中之物，會當移植，然桑字四十下八，壽恐不過此。嗣後至健，為太守。年四十八果卒。

井內有人

若其相識之人，久客在外，夢在井中見之，主還鄉井之兆。若卧在井中者死。

黃幹通判安豐軍時，淮西帥司徵鞠和州獄，獄故以疑未決。幹夜夢井中有人，果于廢井得尸。

將雪填井 凶

占 此夢家室不寧。受人欺擾。作事無終不祥之兆。女子夢之。主井水枯。

井涸

占 夢此主貧乏。天一生水。萬物無水不生。故也。病夢主腎虛。無妨。

穿井 貞吉

占 夢人穿鑿舊井。主朋友至。○夢平地開井。主得良友。○夢穿井見水。主遠信至。○夢身自淘井。主爵祿榮盛。○夢自汲清水。主得財物。○夢人汲水授已。主得人之財物。○夢水湧出井上。主登科拜相。○夢加脩井欄。主家富。○夢窺井見天。主得官祿。○夢井中水漲溢。主作事成。否德之人。反為凶災。

井水溷濁 凶

占 夢此主乏糧之患。若夢汲無水。繩纜斷落。旋器破傷。尤為大凶。

屋在井內

占 夢之于有災夢房
曰 舍居住井中大凶

井崩損傾洩汗塞

占 此敗家之兆夢蔽益井欄者
曰 無妨但家事未得昌盛耳

草舍茅廬

占 夢眺望見之主吉
曰 夢卑窄傾壞則凶

冠山來淑人之夫犯罪被囚夜夢前隣結茅房相對照淑人自解曰茅房乃草舍也與救字同音對照吾門必有救釋良人之兆不數日果遇救還家

涼棚

占 男夢納涼于棚下主安閑喜慶患去病痊女夢裸形于涼棚主病患驚憂或有私情行人夢之主得

夢占

卷之五 第五

子

夢占

曰 侶和洽諸

事得吉。

彩棚

占 夢此主有慶賀之事。病者不宜。

元德秀少臥家貧。事母至孝。夢坐于棚下。棚上錦麗五彩。光彩燦百。花寤曰。此兆吉昌。但母老矣。何忍離左右。乃負母入京。果擢進士。

花棚 吉

占 夢之當以花名。惟其吉凶。若於脩造種植。夢之直叶。

牛棚羊棚

占 此富厚之占。占有棚無畜者不祥。

雞棚 吉

占 夢育司晨存夜風見幾而作微臨酉肖
日 會秋聲教思無窮出入無疾朋來無咎

猪圈 凶

占 升夢此者凶多吉少夢身入圈中主牢獄
日 死亡之禍惟田舍翁夢屋外造圈者吉

坑廁

占 君子夢之事不諧小人夢之得財病夢入
日 廁康健夢深坑大災凡夢陷坑廁中者死

鹵簿入廁中

宋沈慶之在文帝時夢引鹵簿入廁中意惡之占
者曰君必大富貴然不在旦夕間鹵簿是富貴者
引入廁中所謂後次也知君拜相不
在目下慶之果以卒武時出登三公

船坊 吉

占 夢此主出行存利船舵安然
日 風波不起坦夷平吉之象

馬廐

占 夢此主通達。○夢馬出廐。主遠行。○夢馬入廐中。主信報至。○夢廐中馬嘶。主口舌。○夢廐中馬舞。主火災。○夢廐中無馬。主作事不成。○夢馬坊。

破壞。主家中人有災。○夢脩造馬廐。主得富貴。

蓬廐吉

占 夢此主命工匠為大作之兆。○夢居廐中。主作事因人借力。疾病得遇良醫。○夢行過廐外。與販肉人語。主決事得中。志願無咎。○夢卧廐下者。不祥。若其人平日有事。廐中者。又當另推。

窰

占 工成豎立。除器戒不虞。甄別妍媸。毀方而瓦合。土塊泥丸。大功成既。濟身居日用。小器審明夷。凡夢此者。君子以正位凝命。小人以革而順從。諸事皆吉。○夢造窰者。主成器。○夢居窰中者。平人主幽苦。文人主異日光明。○夢燒窰者。主抑鬱之兆。○夢窰中器物充滿者。主闢閤不塞。

〇〇〇倉庫

內帑御庫 大吉

占 少者夢之天祿豐隆身榮譽顯老者夢之天年永
久子貴孫賢尊者夢之以盈虛為治亂之徵病者

夢之以言識

為吉凶之數
陳劉皇后勿夢立金屋內侍飾如宦官叩首曰東
天庫次日母招日者占之日者曰必作大貴人年
十七歲于帝日者語人曰劉后勿夢東天庫東字
加耳旁陳字也天庫宦官叩首我云必作大貴人
今果然矣

武庫

占 凡夢入此學博才高者得與斯文良謀善射者登
壇之選商賈夢之大發夢中遙望不得入者反是

太倉 吉

刑文偉夢支條太倉倉史曰進肉千歲服文偉曰自有宰官進膳倉史曰奉天封諸文偉宰之得書右史及乾封初文偉為東駕典膳臣上書減膳太子答書嘉嘆其年右史缺高宗曰文偉以吾兒不讀書不肯與肉直臣也遂授右史職

倉廩府庫 吉

占 夢此充盈主年豐民足夢此虛耗主年荒國亂夢得此支應福壽永昌夢倉廩盈足者下人吉上人凶

占 夢府庫盈足者上人吉下人凶

民舍倉廩棧房確坊

占 夢登造脩葺五穀充盈主家業成立夢墻塌空虛污穢主貧窮破敗

占 王季良夢入倉倉無粒粟拾得一錢置褲中以問鄰里問之謂占萬利之談無稽云

地窖

占 夢此者深淨充滿。夢開高平大吉之兆。汗發
日 殘損。缺陷。暴露。不祥。若夢窖中渾泥浸者凶。

水窖 吉

占 夢入此清冽寒泉。主腎水充足。精液堅固。昔日有
日 南粵人夢此者。或問之曰。庚中和蘭無流泉。巨室
作石窖畜水。夢此當
遠行至和蘭可致富。

○○○苑園

上林苑 吉

占 峻嶺茂林。晉履帝居之都麗。玉臺金闕。周行王道
日 之森嚴。何天之衢。渙奔其祝。王假有廟。賁于丘園。
白 昭其明德。得尚于中行。夢中光燦子
虛。覺後有餘。鳥有志達皇都。徵祥吉兆。

阮長之末第。夢登高崖。履大道。數里虛。朱門金闕。
光耀琉璃。見一關曰。汝欲遊上林乎。臨海觀日昇。

可得榮歸。由殿前步至海岸。見月初出。雲光曜目而寤。後爲臨海太守。

內苑 吉

占 有應。夢入內苑看花。及期授京兆尹。凡夢入深宮內苑上林。主名譽達皇都。大吉。

離宮別院

占 夢入離宮別院。當以所見形色。所聞詞曰。字細推之。或吉或凶。有驗。分離別業者。

官廨後花園

占 夢此宜審官廨所在。及花卉草木等類。細詳之曰。以辨凶吉。景象新華茂盛者吉。反此者不祥。

田舍 大吉

占 夢造園林于田舍。主增益田土。○夢豎田舍于園中。主園林荒蕪。○夢遊田舍。宜以屋木另推。

起造新莊 吉

占 巨室富資繁華工作夢
此必有大利諸事皆吉

李德裕九世孫某夢送平泉中寤曰昔者始祖平泉庄遺命云毀一木損一百非吾嗣也及遭亂離竟成荒丘噫焉能存良祿再復此地肯構一堂哉旦謁士大夫兄平泉莊園焉

湖亭

商人萬鈞候風泊舟江沙間夢登湖亭排檻見文武官數十人至前諫叱曰速去驚覺命舟師揚帆隨風而往數里許金兵至嶠索舟渡江鈞嘆曰天遣速行得救民命舟泊江邊不夢江亭而夢湖亭胡為停泊于此也登臨罷譙等候風罷則遲晏也諫曰速去脫兵索也

宋末江南民多夢湖無水居亭內不敢出占曰湖無水胡也住亭內不敢出隱也果驗

山池亭榭 貞吉

占 行人夢此得暫憩於山間水間達士夢此得高尚于聖名聖利病針城市夢此不祥

另居別業

占 主出類超羣之兆。夢此。小試。利在他鄉。謀利。貴在遠途。又主幽居。辟有天。

假山

占 此兆。行而欲止。止而必行。凡事因假成真之占。

菜園吉

占 周公。有云。莧陸中未光。凡夢此者。中未光大也。文人應試。夢此。當察命題。武將臨邊。夢此。難為戰守。

曰 病疴痼疾。夢此。得藥得愈。婚姻孕育。夢此。多子多孫。鄉人夢此。直叶有補無災。

王樵。夜宿鄉間。夢買地二十畝。造一菜園。區曰。不如園。有童子與樵同臥。樵以夢告之。童子曰。買地用錢。種菜多子。論語云。吾不如老圃。一個女口。補君胤嗣。王樵乃娶妾。生三子。此童効力。如事父母。愛之。

○○○關陸

貢院關房 貞吉

占日

凡入坐其中者應試夢此登高第官吏夢此差場屋商人夢此遇雨吉大貴夢此得利息武士夢之事勿憂軍卒夢之主美役病者夢之不祥匪人夢之牢獄僧道夢之坐立關底人夢此須遷宅夢出此外者反此而占

信安劉必明家貧遊學江右人以數金托之謀妻徐氏知之日我見汝安貧樂道示何作此欺事必明以金還其人交夢入貢院立關房下房上人日坤金在何號必明日我姪劉某推入場驚寐次年年中秩為湖南令

關塞

夢把守關塞主扼要得權○夢過關出塞主命運亨吉○夢過塞入關主際遇得利○夢關大開主

命關中關煞開通。○夢關門障蔽。主運限不通。○夢
遊行塞上。主得食祿。○夢立塞外。關上大開。而身
不入關。主口舌是非。○夢關外斷橋無路。主命中
大限不吉之兆也。○夢關塞危橋歧路。得人引過
通衢。主災消病除。得人扶助。○夢由隱徑過關。土
行言不正。遭逢不偶。○夢關塞無人。主逃避口舌
尋人不遇。

鈔關

占曰

夢據關收鈔。主大獲財利。○夢納鈔過關。主財祿
進益。○夢關吏征鈔。祿責受辱。主是非爭訟。○夢
人同行至關分路者凶。
余成善妻祝氏。夫坐舟出關。祝氏立關內納錢
關吏索取錢五十三文。寤以言于夫。成善曰。我得
出關時。運通矣。未幾夫死。
祝守家法。始居五十二年。

遥望關寨旌旗烟火驛中火起 凶

占 夢此主兵戈爭戰之徵宜防火圍
日 旦夕不吉之兆是多凶而少吉也

坐守關寨中 吉

占 文人武士夢之。主得官爵掌關防。○隱士夢之。
日 主安貧樂道。○平民夢之。主避仇惡得安也。

郵亭 吉

占 凡相會往來其間者。名士清門。夢此得貴人交。富
日 家巨族。夢此主遠行。商賈夢此主交易。病訟夢此
不 祥

填關

占 夢填吏扶過填上。夢開關過關。主運通持
日 達。夢舟車為填關所阻。主命運遭逢艱阻。

○○○ 囹圄

錦衣衛獄

夢占

囹圄

夢占

夢占

天牢

宦官張某夢王守仁入錦衣獄獄中乘騎山抱龍入雲是歲守仁彈劉瑾詔獄誦龍驤驤

占 夢此主病患之災若夢入視罪犯出外而寤主吉昌

坐牢獄 吉

占 夢坐牢者丑年利夢坐獄者戌年通貴人夢坐吉平人夢坐凶疾病之人夢赦出者主患除

乘輿入獄

崔龜從夢乘輿入獄三百餘人叩拜號泣獄吏曰平言里王一人四人走事河中及寤異之待旦記藏于笈及為大理評事從事河中府啓笈見書嘆曰此兆果驗于今日然則斯已矣平後為洛保歸

○○○神字

郊壇社稷壇 大吉

占曰

君相誠格之夢。天地感孚之占。郊祭天。天子以作樂崇德。殷薦之上帝。以配祖考。社祭地。以配后。饗國之大寧。其大干斯。君子夢之。明。平其禮。治國如家。而布衣夢之。利用。為大作。見善則遷。有過則改。與郭子儀初冠。夢儒冠荷袍。立郊壇下。見二帝昇棟行禮。上帝命子儀至郊壇。再行祭禮。賜婚肉。亮謂此兆不祥。福山之應。子儀再造唐室。玄宗為太上皇。此瑞徵。果於未示。之先云。

太廟明堂

占曰

文士夢之。名登黃榜。位列宗伯。武士夢之。功在社稷。世授簪纓。平民夢之。推其所恒。以占。夢生于太廟之中。貴。

嘗有工匠。夢造綾思殿。占者謂此乃玉城宮闕。必有事至。果克皇陵之役。

文廟

占 夢遇門而不食。非孔子之徒。夢登堂而入室。乃士之瑞。不習舉子業。夢入文宣廟。驗在子若。劇者夢此。幸遇聖良友。尚有十年壽。僧道夢此。宜結大儒緣。

歷代宗室先朝帝王廟

占 夢中象吉為吉兆。夢中凶象為兆凶。夢中無吉無凶。所驗將遊于此地。

城隍廟 貞吉

占 凡夢此者。當以所見所聞。受持勿誤。若夫忽畧怠弛。誕妄褒貶。災必臨之。

山岳江湖諸神之宇

占 能事鬼神者。心誠而不敢懈。能敬而不敢棄。能遠而不致。資若斯者。天必祐之。倘有不虞。神明豫兆。于未幾。使避凶而趨吉。幸改禍以成祥。于是見之。于寤寐之中。宣之于容辭之外。志在江湖。夢河伯。海神之廟。道由關嶺。夢山靈。天將之祠。一言一動。毋忽毋疑。

劉存爲舒州刺史。薛儒生霍爲蜀練判官。甚見信
任。後爲左右所譖。因構其罪下獄。白使府。請殺之。
帥知其寃。使執送楊都。存遂縊之。于獄。旣而存還
鄂州。節度使霍友人在舒州。夢霍素服。自司命河
中出。撫掌大笑曰。吾已獲雪矣。候而有帥師征河
南。霍妻兄馬鄩爲黃州刺史。有夜扣齊安城門者。
曰。舒州霍判官將往軍前。馬病。白使君借馬守厚。
者以告鄩。鄩曰。劉公枉殺霍生。今此人往矣。得無
禍乎。因畫馬數匹焚之。
水際數日。存敗績死焉。
丁元珍嘗夜夢與歐陽修至一廟。出門見馬銖一
耳。後元珍除峽州。修除夷陵令。一日同祠祈謁黃
牛廟。入門。惘然。皆如夢中所見。門外石馬。
缺一耳。相視大驚。以爲事有前定如此云。
或曰。萬事皆前定。何用苦勞心。惡是何言歟。世之
所謂前定者。是謀定之。惟志之所至。定之于旣往。
故事之所自見之于將來。善人未必無過。昔日有
罪孽。則得善名而受奇禍。惡人未必無善。昔嘗有
善念。故名大惡而反受福。嘗害人于人。所不知者。
福臨之以表其凶。易曰。天地感而萬物化生。聖人

感人心而天下和平。觀其所感。而天地萬物之情可見矣。

五祀

占

家主中霤而國主社。中霤者。即家堂之謂也。家堂之神。為五祀之主。地宅所居。曰土地之神。進路之主。曰五道之神。貨財之主。曰五路之神。日用之主。曰六神。寬有寬者。井有井泉之神。戶門坑廁。皆有神祇。各有廟室堂宇。夢中見之。大小不同。而吉凶悔吝。皆直叶者。

魁星閣

大吉

占

夢此主文章應試之祥。有夢登禮拜。後及第。道經于此。宛如夢中。乃以俸金。命工構葺。

龍王廟

占

夢此主風雨旱澇。田土途路之徵。久旱夢之。有大雨至。久雨夢之。主雨止。

伏廟

道家

劉幽求奉使歸未及家十餘里夢伏寺中聞歡洽聲垣矮見妻在坐內幽求翻瓦下之走散既覺馳抵家妻方寢聞幽求歸起叙寒暄訖妻語夢遊一寺會有人自外以瓦擲遂覺幽求亦具陳前夢各各驚訝○凡夢伏神主男女情欲孕產吉凶惟病中夢之必痊

占

凡夢入道家宮觀樓閣洞室丹房遂觀居處者常人皆吉病者不祥入其中而有人指點引導出入者又當別占

先王以神道設教而天下服政教懈弛有司失其傳而亂將作孔子適周問禮于老子曰老子其猶龍乎老子西出關授關尹道德經秦火之變得其傳者鮮焉天師張道陵出而神教復興三教皆自老子始養生之道深造其旨名之曰仙仙道莫能傳世之假借虛妄以邪說誣民者比比皆是矣惟天師得其正教是曰道教凡夢神廟觀院官殿道家所居若三天門并大皇殿安樂宮玄都觀飛仙

神宇

占

夢占

臺廟堂道院等神鬼所依神鬼無形與楚傳有聲其聲也靈有過則驚無過則輕惟教與誠得其平病痼夢之得生類沛夢之得寧此造靈之無蓋藏也見幾而作全在心清心放曠爲虛感于邪術業廢家傾荒淫飲蕩諸事不成魂之所憑天神之靈因夢想以示呈張宣成寧中奏行仙府聞天風海濤聲振林木是海中樓閣金碧瓊瑤數人揖宣入請賦詩且曰此間文章要與纖女執杼分巧勿過人間語豐成絕云天風吹散赤松霞染出連雲萬樹花悞入鄉迷去路傍人應嘆忘還家有仙曰子詩絕佳未免近凡罰酒一杯極甘忽夢萬仞山而覺宋張成憲在陳州不欲斷成疑符以及無辜之民後因設蕪茅山夜宿玉展館夢至一股廷主者曰陳州之事尚記憶否此間文籍甚明命使者各抱一錦襦與之曰以此相報是歲妻生一男妾生一女後皆貴盛次年轉大夫直秘閣治平中蘇轍寓京師夢入三清殿上老子像高二三尺狀甚異謂轍曰子知楊綰事乎轍荅曰唐之

釋家

賢相也。子知高郢嚴震乎。輟曰。郢文臣。震功臣也。三人孰優。曰。郢震不及。縮速矣。曰。三人皆終尚書僕射。然縮不至上壽。郢震並享者。子知其說也。曰。不知也。曰。縮好殺生。而郢震皆不殺。此所以異也。子志之。

占

夢見寶刹壯麗者。主吉祥。○夢見寶塔輝煌者。主高舉。○夢登殿禮拜。主身心齊潔。○夢登塔極頂。主位尊壽永。○夢上戒壇。主得佛力。○夢入佛寺。主平人吉。貴人凶。○夢入寺人阻。患難者吉。平安者凶。

佛者。西方聖人。夷狄之一法也。不生不滅。不垢不淨。無我相。無人相。無衆生相。無壽者相。普度衆生。衆生得度。信受奉行。施舍功德。而浮圖方丈。叢林檀越。遍天下。曰舍利塔。曰大雄寶殿。曰講經禪寺。曰功德道場。曰懺悔道場。曰講院。曰齋堂。曰小菴。曰靜室。曰僧舍。曰佛堂。曰蓮花座。曰法堂。曰寶塔。

曰石塔。又尼姑菴。道姿菴。凡夢之者。普度結緣。先露其幾。諸菩薩。諸佛。諸菩提。長老。阿羅漢。和尚。師。沙門。稍覺。道人。香火。善人。信士。信女。人。念彼音力。脫離地獄門。三生百千萬劫。共以成佛道。經曰。無無明。亦無無明盡。

後晉寶雲寺僧。一日夢于舊寺基水際。得古斷碑云。寺南高基。乃顧野王僧與地志處也。明日果得碑。乃于基上。建野王寺。元成延珪詩云。塵銷壤壁書千卷。土無殘碑字幾行。

北魏奚康生。久為將。多所殺戮。而乃信向佛道。嘗於南山立佛圓三層。忽夢崩。沙門為之解云。檀越當不吉利。無人供養佛。故崩耳。不久竟為元義所害。

揚州西靈塔。極峻。淮南詞客劉隱之遊明州。夢泛海。見僧懷信居塔三層。言暫送塔至東海。旬日而還。隱之歸揚州。即訪懷信曰。記海上相見時否。數。塔毀于火。

宋王球為涪陵太守。以失守繫獄。防鎖堅固。獄中百餘人。並多飢餓。球每食皆分施之。日自持齋。心

念觀世音夜夢昇高昇高一沙門以一卷經與之
題名光明按行品併諸菩薩名。求得而披讀忘第
一菩薩名。第二觀音。第三大勢至。又見一車輪沙
門曰。此五道門也。既覺。鎖音斷脫。珠心知神力。彌
增專志。因自釘住其
鎖。經三日而得原。

宗澤夢造九級浮屠
明旦見飛龍為將

淳化間周朝奇任泗州守。嘗不請于朝而修城。朝
廷不准。所費罄家。償之。貧不能堪。夜夢老叟謂曰。
若往招提寺。可終汝身。明日往寺遇老僧。僧問姓
名。鄉貫。即請沐浴更衣。設供止宿。旦具香花迎入
法堂。會眾升座。曰。尊君待郎所寄錢十萬貫。老僧
被此襪襪十年。謹用歸納。授以簿書訖。端坐而化。

勅建忠孝節義鄉賢名宦祠

占 白昭明德。惟風憲于一方。受茲介福。享血
食于十載。寐寤志合前賢。徵兆身榮異日。

家廟路寢

夢休玄弊

長仁在

神字

圭

夢占

祠堂

占曰

夢為人造祠。祀已故之人者。主夢者吉。祀見在之人者。主其人吉。○夢人爲已造祠者。主自己已不祥。

觀音堂

貞吉

觀音。普門。慈悲。大士也。夢之主。宜修齋。行好事。結善緣。非義財。莫取。非理事。莫爲。貴藏。修。護。慎。爲。吉。

家之有家廟。所以盡子道。陳孝享也。諸侯五。卿大夫三。上上一。中祀始祖。左昭右穆。祀高祖曾祖祖考。又有祧廟。而祀考妣于禰廟。下士無田。不敢以祭。士庶人享親。于路寢。凡夢此者。爲子不忍忘其親。而先靈因之見其慈也。○夢建造修葺。主富貴。增益。○夢拜奠。蒸嘗。主爵祿豐亨。○夢于廟內見先靈。喜吉。悲凶。○夢家廟中有鼠。猶犬豕。主凶人求食。○夢入其官。不見靈。棲主有禍。事至。○夢廟中生草木。主敗亡顛沛。○夢欹斜損壞。靈棲顛倒。主九族不睦。夫妻反目。○夢蔽塞毀弊。主家破人亡。○夢揚旌掛彩。主喜事至。○夢一鳳。脚書入廟。主。皇恩授詔。

關帝廟 大吉

匹馬單刀忠肝義膽護國安民之六帝文士臨
兆之定占魁元武將臨場兆之大勝有功病人兆
之不日而愈商賈兆之利富十倍恆人兆之門庭
清吉孕婦占之兆主貴子主訟事得清官遇難終
獲解大吉

賢聖廟 大吉

占之主得賢友遇聖師生
女得秀生子得貴利吉

夢林玄解卷之十五 終

夢林玄解卷之十六

夢占

服飾部

冠冕
褥毯

帳 衣
幃 衫

襖 袴

歸履 虞帖

義林
環欽

○○○冠冕類

冕旒 大吉

冕旒之製古矣。始於黃帝。冠上有覆。前後有旒。夏禹致孝享美。平敬冕。孔子論爲邦。服周之冕。乃至尊之元服。國家舉盛典。行隆禮。則用此焉。夢之者主有大喜慶事。士人見冕旒。必受恩榮。女子見冕旒。必蒙欽選。官僚見冕旒。爲左右輔弼。婦人見冕旒。得朝夕進御。庶民見冕旒。子孫入覲。天顏或再見神像。以應夢焉。

冲天冠 吉

占 王者用之。藩府亦得服之。籍紳夢此。得寵任。青

日 祔夢此。得顯榮。若優俳夢此。則其習見不。論已。梁武帝勅賀革為元帝府咨議使。講三禮。賀將行。意甚不悅。過別御史中丞汪革。江告之曰。吾夢主上偏見諸子。至湘東王。脫冠授之。此人後必當壁。知其行乎。賀領之。及太清之亂。遂膺。

貂蟬冠 貞吉

占 此貴官之盛飾。凡夢之者。必受國恩。享天祿。但夢戴之。或得之。或整之。則吉。若夢失夢污夢散。有不祥焉。或為更新之光。

皮弁 吉

占 公侯之首服。凡夢此者。必得官爵。文臣夢之。朝廷有事。宜召武士夢之。邊方有事。出征。若有功勞。數日 業者夢之。主受封座世襲。

紫金冠

占 公子王孫之服飾也。凡夢之者，為逢凶化吉。遇難生祥之兆。出行逢貴客，婚姻有良緣，商賈獲奇貨。

日 詞訟遇清官。

魚尾冠 貞吉

占 羽士之服飾也。見之于夢，居官者宜優游林下。有病者宜請求法錄，祈晴得晴，祈雨得雨，凡事人定亦能勝天之兆。

鐵冠

宋熙寧初，邵武人徐鳳春，夢一方士，鐵冠道服，儀容清偉，既寤，至城南五峰院，遇所夢者，自云姓蔡，住武夷，遺以五華草，食之甘美，自此不服粒食，但飲清泉，約以某日至武夷，至期而往，蔡已先在，徐以身院修煉，尸解而去。

黃冠

蘇長公軼知揚州。一冬夢在山林間。忽有一虎來噬已。方驚怖。有一紫袍黃冠者。以袖障之。虎去。及旦。有道士投謁曰。昨夜驚畏否。蘇知其為幻術。遂叱之曰。鼠子敢爾。欲杖其脊。輒縵而去。

捧簪纓而進 吉

占 此夢主得人之瑞徵。人君夢之。必得良佐。或夢之。必遇良朋。庶民夢之。必逢貴客。易曰。由豫大有得。勿疑朋盍簪。

整冠服而朝 吉

占 此整舊重新之兆。必有大喜事至。外臣將入朝。隱士將被召。致仕在家。將復起官。

朝衣朝冠入山林

占 是夢也。各以類占。文人才士。隱居荒野者。主他日榮貴。焚黃顯親。公卿大夫。見任顯安者。當退歸田里。致仕告老在家者。恐就木入土。

唐右補闕殷璠。夢著衣冠上北邙山。親友相送。及至山頂。回顧不見一人。意甚惡之。無何以熱疾暴

終矣。

或錫之冠帶

占 夢此者。主貴顯之兆。士子必登第授職。官員必陞秩。加銜。在閨閫。必然夫榮子貴。在耆德。定作鬼判

司神。

冠中束帛 凶

占 束帛原來是白巾。如何夢見帽中存。只恐無端凶事至。且將顏色細評論。白主孝服。紅主刑傷。黑主水厄。青主懸梁。黃者為吉。

冠上簪花 大吉

占 夢此主有樂事至。花是人間物。花開必遇時。天時應人事。喜慶可先知。應舉在第一甲。小試亦在無

日

等仕宦蒙恩賜宴。平常婚姻嫁娶。

冠上又加一冠 吉

占

貴人夢此主兼攝國政富家夢此主雙貴臨門爭訟夢此事涉兩司。平常夢此喜事叠至。生男有二

朱衣武冠

蕭巖蕭嶽至陳德教學士沈君道夢殿前長人朱衣武冠頭出欄上。獲臂怒曰。邪忽變叛。蕭誤人事後主聞之遂忌二蕭散其衆。

男戴珠鳳冠 凶

占

女子之貴服也。夢作男裝非所貴而貴焉。各必屬非所服而服焉。身必危既辱且危。死期將至。妻其可得見耶。易曰。入于其宮不見其妻凶。

男戴假髻

占 司馬懿畏孔明甘受巾幘之辱夢中而戴假髻身
日 詩云抱頭擊鼠竄掩耳
怕獅吼此夢之謂歟

女戴男冠 否凶

占 此陰盛侵陽之象也主女子奪夫權內人干外事
日 且有拘囚悲泣之兆夢之者宜以綱紀持身以
義治家易曰家人嗃嗃
悔爾吉婦子嘻嘻終吝

兒童戴紗帽

占 與僕之兒為貴顯之兆疫癘之童是俳優之
日 徵若有訟事者主小官審問不至用刑也

嚴寒戴紗幘 吉

占 藉此主氣衰體壯之兆士子應在賓與將帥應在
用兵詞訟勝在殘歲婚姻成在明春遠行者歸久

紫林玄解

卷十六 冠冕

四

夢占

日病者起凡

事大吉。

盛暑戴禮帽 凶

此作事畏首畏尾。退縮不前之象也。禮有連連之義。求名不遂。出軍不利。行人有疾。囚者難脫。病患未愈。諸事淹遲。不吉也。

單巾幘

襄陽蘇嶺山廟門有二石鹿夾之。故謂之鹿門山。郭重產記云。雙石鹿自立如關。人或有時不見。鹿知有靈瑞。渠天監初。有蘇湖儼人見二鹿極大。乃走馬逐之。鹿即透澗。直向蘇嶺。遂失所在。疑是二石鹿所化。遂回。其夜夢見一人。着單巾幘。蓋布。襌袍。語云。僕君遣我牧馬。汝何驅迫。幘得無他。若見損傷。豈得全。

幅巾道服

烏衣黑憤

張忠定公詠在城都嘗夜夢謁紫府真君接語未
久吏忽報請到西門黃兼濟承事以幅巾道服而
趨真君降階接之禮頗隆盡且揖張公坐承事之
下詢願詳款似有欽嘆之意公翌旦即遣典客詣
西門請黃承事戒令其所常衣服來比至果即夢
中所見公即以所夢告之問平日有何陰德蒙真
君厚遇如此且居某之上耶兼濟曰無也惟每歲
禾麥熟時以錢三萬緡收糴至明年禾麥未熟時
小民艱食之際價值不增升斗平準在我無損而
小民得濟所急公曰此承事所以坐某之上也今
索公服二吏掖之使端受四拜黃
公後裔即今入仕路者比比青紫

陳甲獵於東野大獲獻見大蛇長六七丈玄黃玉
色臥岡下甲射殺之不敢說三年後至故見蛇處
語同行云符在此殺大蛇其夜夢一人烏衣黑憤
至其家曰汝無狀殺我我昔醉不識汝面故三午
未相報今自來就死欲安
逃乎甲遂驚覺腹痛而卒

帽無頂 凶

占 帽無頂今主損傷人若夢之有災殃
日 諸事不成更有害附關得坐牢糾陽

戴蓮花巾

貞吉 否凶

占 蓮花巾戴象西方向善修行第一行有孕忍生是
日 弄瓦病人夢此主非祥昔吳江女道士頭戴蓮花
巾也

戴僧帽

占 主離緣絕俗之象夢已戴之家業衰親友疎子姓
日 周零顯宦致仕病人難痊諸事有碍惟平日好修
行奉齋者可免無虞沙
門光之貴泰禪悟也

戴白瑣帽 貞吉

占 白主素素猶凡在也事當
日 素位而行宜守舊則吉

帽斜戴

占 其冠不正，主非由正道之象。占此，恐遇無美事，交無良友，凡事宜小心謹慎，為吉。

結駝帽

占 主細密難成之象。占者，事多遲留，病多憂。遷，春夏夢之，猶可；秋冬夢之，只宜靜守。

帽墜地

占 墜及地，第也。墜地，主及第之象。士人兆之，定占。惟慮落首之恐。

占 兆之，主同類共事者有利。

戴斑竹冠 吉

占 斑班也，齊等之貌，作主交友。

戴涼帽 貞吉

占 兆之，主同類共事者有利。

占 夏暑夢之主。乘涼之兆。清吉。
日 寒冬夢之主。夢寐之象。不利。

帽被人搶去 凶

占 帽被搶。今兆不祥。家中事事變生殃。
日 父母妻孥俱有碍。病者須防壽不長。

戴孝頭巾 吉

占 主家中有孝子順孫。
日 兄弟和翁者。方兆之。

戴破帽

占 主舊交密。夫妻久。詩曰。破帽多情。
日 却戀頭。或貪花飲酒者。必染病。

首戴圓冠脚穿方履

占 圓冠方履。主天圓地方之象。夢之生意。
口 亨。門庭慶。士戴元冠。壽者得康。延吉。

戴皂隸帽

占兆之省。主訟事。要脩省。或可免。

帶帽套吉

占主溫潤豐溢之象。抱之。百事和。遇貴人共事。利吉。

戴西方巾

占西方主白。夢戴此者。主病人危也。

綠袍烏帽

曹州定陶縣北有陂澤。居民採蚌簞膳生。虜亮王隆元年。女直人阿失里為邑宰。夢一人綠袍烏帽。皂靴革帶。握手板入謁。告細民捕殺其族。乞禁之。失里夢中許諾。明夜復夢。其知所謂。迨春。澤畔。人日衆。忽有巨物。長六七尺。狀若蛟螭。湧波噴雲。岬嶺摧陷。人皆驚走。溺死過半。始悟邑宰夢。

官戴箕笠

占 田家為雨具。官府何被戴。此夢若推占。天機難測。在。遇早必大雨。遇雨必水運。陰陽未可知。貴賤當致仕歸田。不得沐恩之象也。

着衣不戴帽 凶

占 衣不戴帽。猶有體而無頭。此凶兆也。占者。無逆事。莫為。強梁人莫交。恐誣陷有罪。或獄中人夢之。難保全體。

戴網巾

占 網。猶羅網戴之。猶入之也。兆之。主禍至。必有囹圄之悲。或有訟者。切莫見官。凶多吉少之象。凡事小心忍耐。為吉。

戴破幘 貞吉

占 幘。戴破。破者解也。解災散也。兆之事漸亨。訟漸解。冤漸雪。病漸脫。吉。

幘掛空中

貞吉 否凶

占 主禍患在前。臨深履薄之象。夢此當謝絕塵緣。杜門持守。方吉。

女戴緇巾

占 女戴緇巾。今豈曰祥。家中事事變成殃。

○○○衣衫類

袞衣 大吉

占 至尊至貴之盛服也。袞衣裳九章。一曰龍。以龍首。突然。謂之袞。天子之龍。一升一降。上公皆有降龍。日今謂之蟒衣。在朝之臣。賜一品服者。亦得服焉。凡夢此者。占法與冕旒同。

袞衣升座

疑袞之冠洛陽也。夢其弟某服袞衣升御座。諸酋長皆侍立。明日謂將佐曰。吾夢如此。此兒志度非

夢衣

夢衣

夢占

常或能大起吾族及與死至太和九年其自稱秦王建年號稱制行事

衮衣倚槐

後魏廣陵王元淵夢著衮衣倚槐樹同占者楊元模元模言當得三公退謂人曰死後得三公耳。撰字木傍鬼不久果為爾朱榮所殺後贈為司徒

帝脫御衣

康王夢帝脫御衣授之未幾二帝蒙塵康王以元帥南渡踐位是為宋高宗

朱衣

貞吉 否凶

朱者南方之正色於卦屬乾屬離於干支屬丙丁屬巳午夢朱衣者有君象焉有神象焉有貴顯之象焉其吉其凶各以類應吉則為朱衣點頭為祥衣掛體為天神降福凶則為誅斬為赤族為回祿降殃以人之善惡推之

朱衣行水上 吉

泉泉之為南計都督也。墨河東王。舉淹遲不。世祖遣王僧辨代泉。僧辨至。即出布告。令示泉。鎖泉牀下。頃之。其友人乃夢泉著朱衣行水上。因告泉曰。君勿憂。尋得免矣。因說其夢。泉密記之。俄而復見。任果如其夢云。

懷中出緋衣

蜀劉審義。閒居力田。夢一人引上檀香樹。因向懷中出緋衣授之。服而寤。遂改名檀。及一載。蜀郡牧請杜評。事充倖職。奏授殿中侍御史。賜緋初下。杜評憂不行。杜薦舉劉于郡侯。奏代。杜遺劉新緋衣一領。果如夢。

朱衣滿空 大吉

司命君家世奉道。其母夢朱衣天神滿空。皆長丈餘。旌旗映其居宅。金色照身。因而有孕。遂生。司命

君。幼穎悟，與唐元聲同學舍。年十五六，出遊采真，遂得仙術。

朱衣長鬚

元世祖嘗次日月山，昭睿順聖皇后得疾，危甚。至召張留孫請禱，既而後夢有朱衣長鬚，從甲士導朱輦白獸，行草間，覺而異之。以問留孫，留孫曰：「甲士導輦獸者，臣所佩法籙中將吏也。朱衣長鬚，漢祖天師也。行草間者，春時也。殿下之疾，其及春而廖乎？」后命取所事畫像進視之，果夢中所見者。后疾亦及期而愈。

朱衣人

方孝孺未生時，父卜曰：「墓其祖考，夢朱衣人跪曰：『聞作先大人之藏于吾山，吾十族居此數百年。』」望緩三日，吾當徙之。明日開曠，見赤蛇千餘頭，其一長數丈，遂縱火焚之。後數月，孝孺生，狀類蛇，舌有兩尖，能歸入鼻中。後為建文忠臣，弗顧九族。曰：「十族奈何？諸友皆被逮，有正學書集傳于世云。」

畫衣

齊世祖在郢，夢人從天飛下，頭揮筆來。畫上
衣兩邊，不言而去。庾溫云：畫者，山龍華虫也。

孔雀羽衣 吉

占 此夢非常之瑞徵也。男作貴臣，應三
品服色。女為宮嬪，應雙中雀屏也。

齊世祖夢，空中飛舉孔雀羽衣。

翡翠衣 吉

占 華服也。夢此有軒軒遷舉之兆。文士飛騰雲路，
人舞蹈天衢。女子幸遇恩寵，道者羽化而登仙。
日 事皆吉。

錦半臂

正元中，初因竇參為御史中丞，嘗一夕夢德宗
對於便殿，以錦半臂賜之。默念曰：臂者，皮也。大

夢林玄解

卷十六

衣衫

十

夢古

所以庇吾身也。今夢半臂者，豈上以某叨居顯位，將給半祿，俾我致政乎？客有解曰：半臂者，被股肱之位而委公平，明日果拜中書侍郎，同平章事。

着獸錦袍 吉

占 獸錦袍，今主貴人，家業亨，今事事新。或士位高，爵祿顯，文大雁塔，早題名。詩云：獸錦奪袍新。

着鶴氅衣

占 輪巾羽扇，鶴氅道袍，此仙家兆也。占之，士人更元服，商賈獲奇珍，羽士夢之，主得官帶。

着百蝶衣

占 此婦人女子之服也。未婚者，當娶妻；無後者，當納寵。否則反未必成祥。

着百衲衣 大吉

占 主百壽之兆。占此，喜事至，老年康，無子者得子，病者得起。

人授一篋衣

薛夏母孕時夢有人遺一篋衣云六人必生賢明之子為帝王所宗及生夏年及弱冠才術過人魏文帝與之講論彌日不息辭華旨暢應對如流帝曰昔公孫龍稱為辯捷而迂誕誣妄今子非聖人言不謬則子游子貢之儔不能過也位至秘書丞居甚貧帝解御衣以賜之適符母夢云

黃衫人

唐貞元中司農卿中李朝歸京夢二黃衫人引至一所其中有人曰時未至須玉魚下也後朝當龍尾道上見一玉魚把玩至家數日卒

繡衣曲領

裴安祖嘗以天熱舍于樹下有鷙鳥逐雉雉恐投之遂觸樹而死安祖感之乃取置陰地徐徐護視良久得繡飛去後夜忽夢一丈夫衣冠甚偉著繡衣曲領向安祖再拜安祖怪問之答曰感君前日

見救故來謝德○雄乃文明之物有繡衣之象

五彩繡衣 吉

占 錦繡之服非富貴者不能有夢此主文場之象會試必及第應選爲直指閩閩得受誥命常人夢之亦喜慶事或子貴孫賢

紫衣人 大吉

占 紫衣貴臣之服也夢此位列台垣名登天府居官必作紫袍客生子必作紫薇郎富室應爲紫標黃榜之家故媛應受金花紫

日 誥之錫乃非常之瑞徵吉

宋三沐之十始作禮官時夢入禁苑中引一紫衣人至後苑亭上踰年荆公受紫服子時爲太常卿引入後苑中所至皆夢中所見

薛瑄河津人父貞教諭玉田母齊氏夢一紫衣人入謁遂生瑄于學舍初生肌如水晶玉臍皆見祖

綠衣童子

綠衣人

寒林立解

衣衫

胡

褫去綠袍

松陵陳益少有俊才，領鄉薦。嘗夢一人衣道服，促左右於巾笥中取綠衣靴笏與之。益詢左右，則曰：「楊文公也，益穿袍，覺毛骨寒凜，似不能勝。」道服者歎曰：「惜乎，有此才而無此緣，即命說去。」益覺不卒。

黑衣人

寶曆中，張惟清爲軍于都護，有美政。詔命中書舍人高鉞文其事于石，詔至而未有碑。惟清方命使採石於雲中未還，其從事盧立夢一人頤長，黑衣告立曰：「吾居于南公廟久矣，幸遷我于軍城中，立白于惟清曰：『衛公于國有功，今廟宇隳壞，願新其土木，惟清許之。』乃修衛公廟，達其西，得一石，方面長，其下有刻出張字，歷然可辨。工人以獻，惟清喜曰：「天賜吾也。」于是以石爲碑，而刻高之文焉。

烏衣人

李國以咸和三年為沛郡太守出行不節夢烏衣人來告云何數出不輟唯當斷馬足騰後出行馬足自

斷

桓邈為汝南郡人齋四鳥鴨作禱長子夢四鳥衣人請命登後見鴨將殺遂救之買肉以代還夢烏衣人來謝而去

浣衣吉

占 衣垢汚而滌濯之也夢此主災消憂去之兆官事脫病患除室家睦但不利于求財耳

皂衣人

陝州民郭端友精意事佛紹興乙亥之冬夢紙筆清旦手書華嚴經期滿六部乃止癸未之夏五部將終忽雨目失光翳膜障蔽至醫鍼刮皆無功自念惟佛力可救次年四月晦誓心一日三時禮拜願于夢中賜藥或方至五月六日夢皂衣人告之日汝要眼明用顰掌散熊膽丸則可明日市藥但

得微掌散點之不効。後於道藏獲觀音海眼藥。服之。二十
九方。舉室驚喜。即依方市藥。旬日乃成。服之。二十
餘日。藥盡眼明。即日接書前帙。增為
十部外。人病目疾者。服其藥多愈。

一丈夫衣青襦

唐開元中。清江郡。與嘗牧牛于郡南田園。忽聞有
異聲。自地中。與與與牧童數輩俱驚走。自是與病
熱甚。旬餘少愈。夢一丈夫衣青襦。顧謂與曰。遷我
於開元。與與與驚而寤。及曉。與其子偕往郡南。鑿其
地。約丈餘。得一鏡。色青。乃向所夢丈夫衣色也。遂
白于郡守。移置于開元觀。是日辰時。不覺忽自鳴。
聲極震響。清江
之人。莫不驚歎。

白衣吉

占

白布衣。即古之深衣也。夢此有白黃之象。得朴素
之義。居官者。官情恬淡。居家者。體度安閑。詞訟得
白。病患得痊。但不利於婚姻交易。功名謀望。白
為西方之色。屬金。金能生水。禱雨夢之。亦靈應。

後周建武在同州。值大旱。武帝勅武成。華嶽之廟。舊在山下。常所祈禱。武謂僚屬曰。吾備位三公。不能究理陰陽。不可同于衆人。在常祀所。必須登降。展誠尋其聖與。茲既高峻。人迹罕通。武年踰六十。唯將數人攀藤而上。稽首祈請。晚不得還。即藉艸而宿。夢一白衣來執武手曰。快辛苦。甚嘉尚。武遂驚覺。至旦。雲霧四起。樹雨霏冷。武帝聞之。亟書賜勞。加塔王焉。

白衣女子

元豐四年夏。駕里民羅滿于水中。獲一石觀音像。供于家。時慧聚寺僧守齋。夜艤舟于此。華白衣女子曰。我舟覆。父與夫皆溺死。師幸容我。守齋拒之。女曰。假一篋宿。何傷。守齋開篋納之。遂驚寤。迄旦。至羅氏家。見石觀音如初出水身。猶沮洳。守齋默念與夢合。因乞歸。

藍衣吉

占

儒生之服也。有青出于藍之義。小試夢之入泮。鄉試夢之貢舉。若富貴者。不脫寒酸氣味。在貧賤者。

夢占

卷六

衣衫

百

夢占

日

必生俊秀男兒

青衣

貞吉否凶

占

賤者之服也。凡夢此者，貴人遭家難，富室有官司，商賈交易行，婚姻成就遲，出行逢驛馬，疾病遇催尸。若問前程事，休想鳳凰池。

青衣女子

趙文若因公事至驛，忽夢一青衣女子求哀，試問驛吏曰：「有何物食？」報云：「見備一羊甚肥嫩。」詰之，乃青牯也。

麻衣

大吉

占

凶服也。夢之者，反為吉兆。求財有千緡，求婚有良緣，病人得妙藥，遠客即回還，利在自身着，不利彼人穿。死生雖是命，凶吉豈非天。

極善字明期居陳章時。極玄龍為太守。先已病矣。善往看之。語玄龍云。吾昨夜夢君著喪衣來迎我。經數日。復夢如故。云二十八日當拜。二十七日善忽中惡。就玄龍索麻香丸。聞令作凶具。二十七日相亡。二十入日龍卒。

葛衣

占 當暑之服也。夏秋之間。夢之為應時。凡事有輕便之意。無煩苦之兆。冬與春夢之不及時。凡事有凄涼之景。少和悅之象。

毡衣褐衣 凶

占 皆毳毛所成。禦寒之服也。夢此未為佳兆。毡有違之義。士人主困守寒賤。褐有阻遏之義。軍伍主失機。邊塞。冬月猶可。春夏秋俱不吉。凡事當待時而動。

補衣

占

詩曰：褒職有闕，仲山甫補之。夢此者，出仕為拾遺補闕之官，納言有補綴復奏之義，交友有彌縫缺失之忠，處事有針線周密之妙，若婦人夢之，主其夫有過差，或其子將墮行，在孤寡則為常慮，無占

衣偏袷之衣

趙孝成王夢衣偏袷之衣，乘飛龍上天，不至而墜，見金玉之積如山，明日召巫史取占之，曰：夢衣偏袷之衣者，殘也，乘飛龍上天，不至而墜者，有氣而無實也，見金玉之積如山者，憂也，後三日而值韓氏上黨，守馮亭之詐。

著故人之衣

李固言嘗夢著宋景文、元和間景頤著時望，乃自司刑郎中出為澤州刺史，尋物故，固言心疑其夢為不祥，及長慶初，穆宗有事于圓丘，舊例諫官從駕行禮者各頒禮衣一襲，固言時為左拾遺，觀其所服，乃書左補闕，宋景文、景頤始驗云。

人衣蠻夷之服

貞吉 否白

非先王之法服不敢服。司世道者。用夏變夷。將使左衽盡為文物之邦。胡然而夢夷服也。是必有久焉。外國。今得還鄉者。改有不循禮度。所為亂常者。或有本姓胡而來見。滿口胡言者。若武士夢此。應獲夷虜之人。

虜脫衣

索元夢見一虜脫上衣來請充。索純曰。虜去上衣。下半男字。夷狄陰類。君婦當生男。果然。

羽衣大吉

宋仁宗母章懿李皇后夢羽衣跣足從窻而下。遂娠仁宗。楊大年母章氏夢羽衣自言武夷君託化。既生乃一鵲雛。盡室驚駭。棄之江。叔父曰。吾聞開世之人其生必異。追視之。則鵲蛇而嬰兒具焉。體尚有毛。經月乃落。

衣破損 凶

占 此夢不為吉。凡事有缺失。應舉未成名。出行得重
日 疾。居家欠康寧。居官少安逸。內人生二心。云誰能
室 正

冬穿夏衣

占 寒不得其衣。有荒涼淒淒之象。夢之主生
日 涯無利。作事不遂。商賈失望。功名難遇。

着袈裟 吉

占 佛相。袈裟是佛門。占者須當早修行。
日 牛羊猪犬切。莫殺。莫作人間罪孽根。

身穿襴衫頭戴幘頭 吉

占 襴衫。儒服也。幘頭。親天顏之冠也。兆之者。士人
日 得魁首。隱士列朝班。庶民逢貴客。子孫福祿祥。

着襦衫 否凶

占 襦衫只是服沙門。緣何兆見俗人臨
日 非惟作事無有利。老壯須當保病身。

着吉服

占 吉服。祥驗也。夢着之者。
日 有樂事至。無往不利。吉。

婦人着紅衣 吉

占 紅衣。喜色也。婦人室人也。兆之。玉室中有喜事至。
日 不可待。若孕者兆之。必生貴子。若官士兆之。主
有欽召。
大吉

着短衣

占 短衣。主不式體之象。兆之。
日 舉動不遂意。謀為不稱心。

長衣無領 凶

占 衣無領。主事無頭緒之兆。夢之者。求財無處獲。訪
踪無處覓。失物難尋。他鄉未歸。訟者不勝。病者難
占

日 醫九事田

隔之兆

着戰袍

貞吉 否凶

占 此武將慶戰之服也。文士夢之。名登金榜。武士夢之。所向莫敵。強梁夢之。辱身及親。市人夢之。關股爭訟。

衣冠不着襪 否凶

占 上而不下。客之道也。主事先易後難。有頭無尾。孕不生男。遇無良人。

衣倒着 凶

占 主顛倒。常之象。兆之行。動反常。百無一順。家業變。疾病生。

矮人着長衣

占 長長也。兆之主長長之象。生涯盛。家業興。只恐病者牽纏不脫。

楷着衣中

王戎夢有人以七枚棊與之着天中既覺兆占夢者卜之曰楷者桑子也目後男女大小凡七喪焉果應其夢

裳飛起 凶

河間國兵天靈金驢和善太元十四年端午日共坐微山巖酒酣失性拔刀砍驢驢母夢曉斬為所殺屍在澗間脫裳覆腹尋覓之時必難得當令裳飛起此處是也追捕一如所言靈知事露將迷出門見驢持雙刀來斫其面遂不得去母報官伏罪

鼠入衣下 吉

妻太后孕襄城博陵二王夢鼠入衣下

獸遁衣 吉

王宗佩妻有娠。夢周公山神。奉五色獸逼其衣。遂生承驍。後節制揚州。入洛爲行軍司馬。

錦衣貼月飛

沈彬。字子文。舉進士時。夢着錦衣貼月飛。人謂身不入月宮之兆。必不第。果然。後爲吏部郎中。阿平章事。

求衣

箕衣。真人何中立。遊前兩日。太皇太后夢何求求衣。亟特賜之。至已卒。遂易之以瘞焉。

兵着緋禪

玄宗夢入井。有一兵士着緋禪。背負而出。明日使於兵號中尋訪。無此人。又于苑中搜訪。見一掌關者。緋禪。便引見上。問汝昨夜作何夢。對曰。夢從井中。背負日出。登天。上觀其形狀。與夢相似。乃問汝欲官乎。答曰。臣不解作官。臣家貧。遂勸賜錢五百千。

以被當衣著 吉

占 被覆兆也。著主起兆也。夢之者。有病危扶。斷之象。占此出入無疾。朋來無咎。利有攸往。吉。若有訟者。日 夢之心。有貴人來底也。

衣被人扯碎

占 扯止也。碎卒也。夢之者。主病者危。醫禱莫為。

禿著海青

占 海青外服也。兆之。主外服動。禿著之。主內財失脫。或損內人之象。

著汗衫 否凶

占 汗衫。秦拓之服。兆之。家門不利。或訟多連累。昔漢楚王交戰。汗透中單。故名汗衫。

綠簑衣 吉

夢樣衣解

卷十六

衣衫

禿

夢占

占 兆主有成之象。常人夢之。家業興隆。農夫夢之。田禾存收。又主安樂景象。清寧吉慶。詩有曰。不脫簪衣。臥月明。此類是也。

自着紅袍紅襪

占 紅袍固是貴人穿。紅襪豈堪是好緣。人得此占。事事壞。丁憂孝服哭連連。

着紅裙 吉

占 紅。喜也。裙。群也。即所謂紅裙。看。日。緣衣。即兆此。主婚姻動。喜事至。

出剝着單褲 凶

占 剝。為落。主剝落之兆。夢之者。交財防失脫。又主外日。禍臨身。凡當退避。易曰。剝牀以膚。切近災者也。

〇〇〇裘甲類

豹裘 大吉

占

詩不云乎。羔裘豹飾。孔武有力。勇猛之謂也。周易有之。君子豹變。其文蔚也。文明之象。故夢此者。文臣在青瑣。為邦之司直。武將鎮紫塞。為國之元勳。考試前列。經營得利。百凡事且。總之遂意。

羔裘

占

大夫羔居之服也。夢此者。居官宜致仕。在朝宜還鄉。有從容自得。優游門閥之景象。詩云。羔羊之皮。素絲五紵。退食自公。委蛇委蛇。退食。退朝而食於家也。自公。從公門而出也。

鹿裘

吉

占

聘享之服也。夢此有宴會之事。文士主食祿于鍾婚。如得佳人二八。所謂白茅純束。有女如玉。可徵也。

哉

吉。士聽未遇時。夢得鹿皮。從而數之。有十一領。及覺。喜曰。鹿者祿也。吾當居十一祿乎。自其仕進所蒞者九任。後除授二郡。士聽不悅曰。數止于此矣。尋蒞任而卒。

貂裘吉

占 貴重之服也。夢此主名登仕籍。位列朝班。惟不利
于始初之際。如季子入秦。裘敝而歸。妻與嫂皆不
日 為禮知此者。可以占夢。

狐白裘否凶

占 狐色黃。白者不易得。其價倍常。但狐者。邪媚之獸。
夢此必有求于婦人。方免于難。又狐者。狐疑不決
日 之義。作事畏首畏尾。猶豫而無主張。其色白。終能脫然無累。

雉頭裘

占 雉為羽族之物。其頭何以充裘。亦奇矣。此晉武所
以焚之。而後世不得見也。見之于夢。必有奇技淫
巧。蕩其心。離色貨利。盡其志。紛華靡麗。炫其耳目。
故寤寐之間。有此奢佚之兆。文士。妖險。怪。武人喜
戰鬪。女。不效。呂后之尤。

千金裘 吉

占 主貴重之象。文人占此得祿
日 千鍾市人兆此。其利倍常。吉

鵲裘

占 司馬恒如初貧以鵲裘貫酒兆之者
日 恐耽人貪花。酒場中。主貧窮到老。

着兩重裘 貞吉

占 重裘掛體兆之者。主有大任至。
日 重裘來。或有智謀之士來。吉占。

甲冑

占 戎服也。所以禦敵。冑在首。甲在身。夢之者。主有軍
日 族之事。或科甲之兆。若有鱗介之物。形于夢者。此
幻化也。當觸
類而詳之。

司馬與鎧 吉

晉陶侃在廣州時。夢有司馬與侃鍾者。長史陳協占之曰。司馬者。國姓也。鍾者。杆槩之器。君當進位。侃果加平南將軍。

被甲者數百人

曹叡公好放生。以至蜺蛉之類。無所不放。一日夢被甲者數百人前訴。既寤。而問其家。乃有惠蛉蚶數簍者。即遣人放之。夜復夢前被甲者來謝。

身懷甲冑

唐會昌中有王璠者。嘗為夾邑宰。將赴任。夜夢一人身懷甲冑。自云馮夷之宗。將之海崖。忽罹網罟。命在詰朝。故來相告。倘垂救宥。必厚報之。璠既覺。言于左右曰。此必縣吏相遇。捕魚為餌。急遣人至縣。庖人果欲割鰓烹鱗。以璠命告之。遂投于水中。即鼓棹揚旆而去。是夜璠又夢前人泣以相謝云。

金甲披身

潘傑字士英。應天上元人。鄉試三場畢。夢至一所。若宮闕。有人將鉄甲一副。披于其身。且言朝廷欲用汝作八將軍。係自念其首尚戴儒巾。謂其人曰。既要我作將軍。可取笠來。其人曰。只披甲。不必笠也。迨揭曉。中第八名。乃第二卷易經。始悟不得魁其。

○○○鳥履類

赤鳥 貞吉

占 古者冕服之鳥也。公侯得用之。詩曰。公遜碩膚。赤鳥几几。言周公服赤鳥而氣象安重也。達尊夢此。雖遭謗謔而無咎。奸邪夢此。當被刑戮而有凶。夢之災祥。隨人之有德無德。以斷其凶吉。占者當詳審焉。

金鳥 大吉

占 赤鳥而加金飾亦公侯之服也夢之者臺閣通宴會慶賞藩臬當人觀應朝詩云赤芾金舄會同有

日 繹也

朱鳥步雲中 吉

占 朱鳥職比侯王也步雲足不履地也乃登雲得路之象建功立業貴顯將及身也應選求名者夢之

日 大吉

着仙鳥

占 有仙風道骨之象兆之者生涯茂子姓昌功名就病安康老年夢之主長壽

雲履 吉

占 履有履道坦坦之義夢此履上有雲主足下生雲履端錫福之兆儒生漸登雲路隱士徐步山溪遠客忽爾歸家久病快然脫體婚姻倍老百年者得增壽二紀

朱履

占 門迎朱履三千客。貴者之服飾也。右官夢之。步趨

曰 時慶賀兩 備之喜事

履為糞所污 吉

占 夢此者。主得財之兆。或劬勞而受酬謝。或服勤而

曰 污者故 庭之

履忽破 凶

占 夢此主童僕有災。妻妾有悔。子姪有不祥之兆。三

曰 生之 象也

帶履而行

樂彥貞書夢解佩帶履而行。既寤而思之曰。此必神人告我。下將有悖逆之事乎。已而果有軍亂。尋之誅之。

兩人奪履 貞吉

占 履有主禮之義。奪履主爭。智為別等威之兆。夢之凡長上俱宜尊敬。兄弟當和翁。事當小心。否則恐有骨肉之殘。

鞋倒着 凶

占 倒着者主不能行動之兆。占此經營不利。夫婦少和。病多反覆。事俱不偶。諺有曰。一步不平行。當以此推。

鳳頭鞋 大吉

占 鳳頭鞋。元也。兆之吉事至。家產亨。各登楠首。仕必高昇。謀財有利。商賈倍獲。產生貴子。訟必得勝。

日 利吉

男着女鞋

占 男正位。平外。如正位。平內。男如通天地之大義。事此主男如不正之象。占之事多乖。隨行為不快。恐有意外之險。更謹防內變之虞。

着僧鞋

占 着僧鞋。今善念生。只恐謀為利不成。

着蒲鞋

占 主輕捷便易之象。夢之者。身輕體健。或遇艱險。非庸之舉。則當退避。

着綿鞋

占 主纏綿。補苴之兆。夢之行動。則宜謹慎。

夢寐占

夢寐占

占

占

着棕鞋

占 夢之者。主每
日 事當敏速

着小鞋

占 行止不安之兆。主事
日 無爽快。遇多淹蹇。

着破鞋 吉

占 鞋一破。財去。革存主矣。主。命。主也。光之士人當執
日 主受皇恩。顯者登高位。觀天顏。庶民喜事至。家業
吉 興。

履污泥 凶

此受辱之象也。夢此。雖素履不失其正。而殃咎亦
不能免。恐有無妄之災。若素行不晦者。必有大禍
至也。

着鐵鞋 吉

占 夢此有不畏荆棘不避險阻之象。人臣涉歷艱難而能發奸摘伏。武士擒獲叛亂。而能拓土開疆。大吉之兆。

以銅為鞋

占 夢此者主布同行之兆。士子得良友。婦人得佳偶。商旅有客伴。出行共飲酒。避難往他鄉。兩人相携也。手也。

屨被人竊去 否凶

占 欲行得屨便能行。夢中竊去不祥。徵曰奴僕生心將背主。閨房婢妾有私情。

着屨走殿陛

齊世祖在襄陽時。夢着桑屨。行太極殿階陛之上。庾溫曰。屨者運應木也。後果卽帝位。

着屐涉水

貞吉 否山

占 屐為雨具。而夢着行水。此小舟遇濤之象也。危險甚矣。得登岸者吉。半濟者凶。

渡水靴不濕

術中行爲中書舍人。時有故舊子弟。赴選投衛論。嚙衛欣然許之。裝榜將出。其人忽夢乘驢渡水。墮墜水中。登岸而靴不沾濕。訪之秘書郎韓衆。衆被酒解曰。公今年選事不諧矣。據夢衛生相負。足下不若及勝。出果然。

襪無底

凶

占 主鮮克有終之兆。占此生息無恒。畜物不久。更有尅妻喪子之恐。不利。

裹脚

占 脚乃行動之官。裹之則束縛之兆也。夢之者。凡事當小心謹慎。勿宜放縱。聞遊恐有失。足履禍之虞。

日也

堯滕

貞吉
否凶

占

滕中之骨乃後天所生者堯之乃保護之兆主宜
自愛有病當清養是非場中休去爵役業中休走
更防溺險之危

〇〇〇 衾枕類

錦衾 吉

朱長文母周夫人有娠夢覆錦衾說者曰是生子
必能文矣已而生長文十歲能屬文十九擢甲科
進士及既冠授
秘書省校書郎

睡紅錦被 吉

占

睡者安象也紅喜色也兆此主
喜事臨身滿門吉慶事事清吉

驚妻枕 大吉

占 驚妻枕今合歡妻。家庭和平。子孫興。時得旺今諸事吉。老者壽考。各安寧。

○○○ 褥毯類

坐座褥

占 座褥。蒲團也。坐之者。即坐蒲團之象。夢之宜焚香誦經。奉齋禮懺。主智慧。開功業。進作事。享沙門兆之。或超九界。

虎皮褥 否凶

占 易曰。大人虎變。其文炳也。虎皮為褥。不獨美觀。且壓邪耳。若夢此者。反非吉兆。褥有耻辱之義。又居于物之底。貴者失其貴。勇者失其勇。而爪牙之威。竟成烏有。

褥席見賜

新慶遠從兄世降曰吾昔夢太尉以得福見賜吾
送亞台司適又夢以吾得席與汝汝必九我門
慶遠果
開府

蘆花毯

貞吉
否凶

占 蘆花散象也以此為毯散而後聚矣
日 兆之者作事始難終易無初有終

○○○帳幃類

坐虎皮帳 大吉

占 虎皮帳坐壯威嚴顯者還當爵位遷
日 士人名登龍虎榜拜相封侯應有年

芙蓉帳 吉

占 夢坐芙蓉帳夫榮子姓昌紅顏小有壽
日 祝禱並無妨詩曰芙蓉帳暖度春宵

紅錦帳

占紅錦帳坐兆巍然顯者占之祿位遷
生意謀為俱有利婦人有孕決生男

紅羅帳內有燈光 吉

占紅羅帳內有燈光重重
生意有財并有子也

○○○巾帶類

紅汗巾 吉

占夢之者主有喜事
臨身大吉之徵也

失手巾

占兆之者主悔脫病
症患除之象吉

玉帶

晉帝夢一玉盤中有玉碗一玉帶一皆有張文光
焚可愛寤以問群臣李蘭慎以為玉者帝王之寶

日也。帶有誓功之兆。盤孟乃牛器之象。實為吉夢。

犀角帶大吉

占 犀牛角。月。又喜聽泉聲。北清而至。聖之物也。且其牛有九角。解此角而為帶。品貴清高。之象。夢之者。為位尊功名顯。或平日有德有才之士。定屬欽遲。垂名青史。常人兆之。生涯有利。孕婦夢之。貴子可。諸事可謀。吉。

象牙帶吉

占 牙帶。腰懸位。高德重之象也。顯者夢之。必居台位。熒理陰陽。輔佐聖明。圖形相間。士者夢之。名登金。日。俱吉。

百寶帶吉

占 貴人所懸束者。夢之。必主富。種經身。貴人扶掖。士者。必主銖鈔。皇恩永事。天祿商賈。必獲奇珍。異寶。中帶。

日 利

金帶 吉

占 夢之者。孕婦必生貴子。備者定。龍閃吉占也。

銀帶 大吉

占 此初登雲路之象。兆之者。主大富。招貴子。應長壽。大利之占。

○○○囊帕類

鬚囊 吉

占 鬚囊。夫氣概。囊。飽。要之具。夢之事。得意財得聚。有長鬚者。夢之尤佳。

琴囊

占 此乃文人臨土用之以盛琴耳。仕者必告老歸家。隱居林下也。

被囊 貞吉

占 夢之者必主有遠行若為商
在外者兆之主捉裝返棹

頭扎紅帕 凶

占 兆之者主喪服動戒爭
競凡事小心忍耐為吉

扎素帕 否凶

占 此老景安康之象昔年者兆之主益壽延年少年
者兆之恐有疾病纏身凡事當素位而行守舊
也吉

○○○環釵類

佩白玉環 吉

占 君子無故玉不去身夢此者謂患去疾病消滅
解婚姻成喪服除語曰去喪無所不佩諸事
占

日之

簪黃金釵 吉

占 黃金即貴客之徵也。簪與之相孚契也。占之主貴人相親。富貴即至。門閭日新。兆生貴子。賢孫。凡事吉。

簪鳳頭釵 吉

占 鳳乃靈鳥。頭為元首。凡夢之者。上人必登高第。出行主遇美人。婚姻定有良緣。商賈必獲奇貨。祥瑞之徵也。

簪荆釵

占 荆布荆釵。庶民之服。歸也。昔漢梁鴻曾聘孟光。王狀元曾聘錢氏。若婚姻兆之必成。主得賢婦。先貧後富之兆。

釵忽折 凶

占 兆之者主有喪妻之厄
日 商賈防有失脫之災

竹釵 吉

兆此者主曠夫得奸姻處如嫁貴
夫更獲門庭清吉閨闈貞烈之象

雙鳳玦 利吉

雙鳳主喜事重重之兆夢此家業亨生涯利夫嬌
齊眉兄弟聯芳椿萱永壽孕婦兆之有連生貴子
之徵

夢林玄解卷之十六